



UNIVERSITÄTS-
BIBLIOTHEK
PADERBORN

Universitätsbibliothek Paderborn

Flores Directorii Inqvisorvm

Bariola, Luigi

Mediolani, 1625

Consilivm Trigesimvmsecvndvm.

urn:nbn:de:hbz:466:1-11434

ordinatum, nec suspensionem, nec irregularitatis maculam contraxisse &c. & ita fuit decisum in sacra Congregatione Penitentiariae Mediol. die 6. Maij 1622.

CONSILIVM TRIGESIMVMSECVNDVM.

AN Censurae in Concilijs Prouincialibus, aut Synodalibus per Ordinarios locorum promulgatae, ligent etiam Regulares, praesertim quando Concilia non fuerunt per Sedem Apostolicam confirmata.

PARS negatiua uti communior, ita verior omnibus ferè semper visa est, quia Episcopi non possunt Iure ordinario ligare Regulares censuris, cum eorum Ordinarius sit proprius Praelatus, vel Superior iurisdictionem Ordinariam in illos exercendo. Capitulum ab Ecclesiae Praelatis. De officio Ordinarij, & finali, C. de Iurisdictione. omn. iud. Nauar. consil. 22. de tempor. Ordinatio. Neque iurisdictione delegata possunt in Regulares animaduertere, quia talis auctoritas competit eis, aut Iure nouo, aut iure antiquo. Non antiquo siquidem in cap. Cum capella. C. Quanto, & cap. Quoniam de Priuilegijs, interdicitur Episcopis, ne censuras contra Regulares promulgare possint. Non Iure nouo, quoniam tale quid non reperitur in Concilio Tridentino, nam sess. 25. Concil. fuse de Regularibus agit, nec tamen Episcopis aliquando indulgetur, ut censuras contra Regulares exercere possint. Nec dicendum hoc illis tamquam Sedis Apostolicae delegatis executoribus competere, quia eadem sess. 25. cap. 24. praecipitur Generalibus, Abbatibus, Praepositis, Prioribus, & Regularium Superioribus,

non

non tamen Episcopis, vt Concilij Decreta à suis subditis inuiolabiliter obseruari faciant.

Non inficior tamen quosdam in Conc. Trid. exprimi casus, in quibus Episcopi tamquam Sedis Apostolicæ delegati in Regulares animaduertere possunt, vt sess. 5. Regularibus hæreses prædicantibus, secundum Iuris dispositionem pœnam indicere possunt, & sess. 6. Episcopi exercere possunt in quæstuarios, & sess. 25. Regulares manentes extra claustra punire possunt; Item matrimonio interessentes absque licetia Parochi à suspensione ibidem lata absoluunt; Item Regulares extra claustra notoriè delinquentes Episcopo instante, seuerè à suis superioribus puniuntur; Itè ad processiones ire compellunt, sed nõ per censuras, c. 1. de Priuil. Io. Andreas c. 1. de concess. præb. & de reg. iur. Regula sciētis & c. Marian. Soc. in cap. Mulier, de sent. excõm. Secundo, ex decreto sacræ Congreg. de vrbe 10. Octob. 1586. referente Io. Bapt. Confect. in Compen. Priuil. Mendic. Non licet Episcopis in causis Ciuilibus, vel Criminalibus Regularium sese ingerere, nisi quatenus illis permittitur à Conc. Trid. cuius virtute non possunt in Regulares animaduertere, nisi in casibus ibidem expressis, vbi nihil de censuris.

Tertiò, Regulares adeo priuilegiati existunt, vt non modo dicantur constituti sub protectione sanctæ Sedis, quinimo sub illius iurisdictione existunt immediatè, icaut Ordinarius illorum immediatus velit esse Sum. Pont. prout apparet ex rescriptis Clem. V. Nicolai V. Syxti IV. & V. Leonis X. necnon Pij V. prout legitur in Comp. Priuil. Mend. Io. Bapt. Conf.

Nec dicatur hæc priuilegia, vel abrogata fuisse, vel moderata in Concil. Lateranensi, & Tridentino, quin per Trident. nullibi fuit Episcopis con-

cessum, vt censuris ferendis in suis Concilijs, afficere Regulares possint.

Quartò, non possunt compelli Regulares, vt ad Concilia Prouintialia, vel Synodalia accedant. C. Episcopis dist. 8. & cap. Quod super his, iuncta glos. de maiori- tate, & obedientia, ergo censuris Synodali- bus, vel Conciliaribus ligari non possunt. Conse- quentia est Canonistarum in cap. 2. de Constitutio- nibus in sexto.

Quintò, leges humanæ eatenus obligant in foro cō- scientiæ præcipuè, quatenus in eo sunt receptæ. §. le- ges, de consecratione dist. 4. cum glossa. Nauar. in Man. cap. 23. n. 40. & 62. Item consil. 1. de iniurijs, & damno dato. consil. 8. de sententia excommunicatio- nis, consil. 1. de Constitutionib. quæst. 5. quia leges tunc firmantur, cum moribus vtentium approbantur: censuræ autem in Concil. Synodalibus, & Prouintiali- bus latæ numquam à Regularibus fuerunt receptæ, tum quia, nec fuerunt vocati, nec auditi, nec eis inti- mata; tum quia capaces non sunt fauorabilium, idest beneficiorum, vel pensionum, & propterea odiosa ad ipsos non extendenda.

Sextò, textus in cap. Nimis el 2. de excessibus Præ- latorum. Episcopis prohibetur expressè, vt censuras non ferant in Regulares.

Septimò, Nauar. consil. 8. de officio Iudicis Ordina- rij querit, an Episcopus in vim Conc. Trid. possit absol- uere, & dispensare cum exemptis suæ Diœcesis; & re- spondet negatiuè, nisi Regulares exempti de licentiâ sui Prælati renuntient exemptionis priuilegio, & ita ligare non possunt cum eiusdem sit ligare, & soluere.

Octauò, idem Nauar. consil. 2. de sepulturis do- cet extra dentes, Prouintialem Episcopi Constitu- tionem

tionem non ligare exemptos. Idem docet Pater Hen-
riq. in summa Theol. mor. lib. 7. cap. 24. & 25. Confess.
in Compend. Priuil. Mend. par. 2. tit. 5. cap. 2. 3. 4.

Non obstat, quod Episcopus circa Sacramentum
Pœnitentiæ rectè ministrandum possit ferre censuras
contra innobedientes, quia in Concilio Tridentino eo
in loco, non appellatur Sedis Apostolicæ delegatus,
neque tribuitur illi facultas ferendi Regulares cen-
suris: neque Pius V. vel sacra Congregatio Regu-
laribus in hac delinquentibus aliquam indixit cen-
suram, quia excommunicationis gladius ex Triden-
tino sess. 25. cap. 3. de Reformat. sobrie in omnibus
est exercendus.

Quod si reperiantur aliqui Canonistæ forsan oppo-
situm sentientes: Respondetur istos inquam ante
Tridentinum scripsisse, nec Priuilegia sanctæ Sedis ad
favorem Mendicantium emanata legisse.

Sed ponamus rem dubiam esse, quod Episcopi
ligare possint Regulares suis censuris, nihilominus
credendum est hoc in casu Episcopos non posse pro-
nuntiare se Iudices. Glossa Hostiensis, & Panormi-
tanus in cap. Olim, de Accusationibus, quia dice-
retur Iudex in propria causa. l. qui Iurisdictione ff.
de iurisdictione om. Iud. lege Hieronymum à Sorbo
Capuccinum in Priuil. Compend. Mendicant. ver.
Accedere ad Monasterium Monialium cum anno-
tatione Capuccini in fine, & verb. Ingredi Mona-
sterium Monialium verbo Excommunicatio. Exem-
ptio. Conueniri in iudicio Syluester Excommunic.
2. num. 12. Stephanus Quaranta in summa Bullarij
ver. Monasteria Monialium. Præcedentia. Cano-
nistæ in cap. Si Clericos. de sententia excommuni.
in 6. Clementina frequens de excessibus Prælatorum.

Nauar. consil. 4. & 23. de Priuilegijs. Sanchez de Matrim. tom. 2. lib. 7. disp. 33. num. 21. 22. 23. Emanuel Rodriquez quaest. Regul. tom. 1. q. 45. art. 2. & tom. 2. q. 63. Praxis Neapol. c. 59. & 89. Riccius in sua Praxi aurea resolut. 110. Naldus quaestionum practicarum, ver. de prima, & in cap. Monialis n. 16. & ratio est, quia excommunicatio generaliter lata ligat subditos proferentis tantum, nisi auctoritas Delegatis maiorem conferat auctoritatem. Cap. à Nobis lib. 1. de sent. excomm. iuncta Glossa: quae omnia dixisse uolui retrocinando potius, quam diffiniendo, subiiciendo me ipsum, & scripta mea censura, & correptioni Sanctae Matris Ecclesiae, & cuiusuis melius sentiētis, & docentis &c. His addi potest Nauar. consil. de Sepul. & cōf. 8. de officio Iudicis Ordinarij. Henriq. Theol. mor. lib. 7. cap. 24. 25. cap. nimis el. 2. de excess. Praelatorum, & cap. Romana Ecclesia de sent. excomm. in 6.

CONSILIVM TRIGESIMVM TERTIVM.

Quaritur qua poena puniri debeant stercorantes alicuius fores &c.

Respondet Farinacius quaest. 105. num. 469. quod puniri debent ad instar facientis libellum famosum, cui de iure Ciuili debetur poena capitis, prout scribit Farinacius quaest. praecitata num. 422. & 423. ubi ex mente multorum dicit hanc poenam esse mortis naturalis. De Iure uero Canonico Auctor libelli famosi flagellatur per textum in Cap. de p. & in cap. Quin alterius 5. quaest. 1. iuncta glos. & Canonista ibidem, quamuis auj dixerint poenam
libelli